


善見毘婆沙律

第十八

三百四十八  
叔八

50217



善見毗婆沙律卷第十八

蕭齊外國沙門僧伽跋陀羅譯

迦絺那衣捷度問曰幾人得受迦絺那衣下  
至五人前安居人得受迦絺那衣破安居人  
後安居人不得異任處不得若任處不滿五  
人得喚餘寺衆僧足數受得足數客比丘不  
得受若任處有四比丘一沙彌安居欲竟爲  
沙彌受大戒得足成五人受迦絺那衣新受  
戒者亦成受一比丘四沙彌受戒亦如是若



卍



住處有五比丘若過五不解受迦絺那衣得  
餘處請一知法比丘使羯磨受迦絺那衣得  
爲羯磨自不受亦不得衣分法師問曰何人  
得與衆僧迦絺那衣答曰七衆衣天人衣得  
受作迦絺那衣若人不解作迦絺那衣來問  
比丘應教若僧伽梨鬱多羅僧安施會隨一  
一衣得受作迦絺那衣十六日明相出將迦  
絺那衣裁來與衆僧比丘應語衣主須針線  
染色作衣比丘多少檀越聞已應供養作衣  
比丘飲食爲僧受迦絺那衣應知受衣法用  
若衣裁者應先浣與衆多比丘共割截簪縫  
治即日染成點淨已應受若多有人送迦絺

那衣應受一衣餘應分應羯磨受僧持迦絺  
那衣與誰應與衣壞者若衣敗比丘多敗衣  
比丘中老者與若無老者臘數大者與不得  
與慳貪者佛告諸比丘當知是持迦絺那衣  
羯磨法律中以說若衣未成應喚一切比丘  
共成不得說道德作留難惟除病者法師曰  
何以於迦絺那衣如是殷勤爲諸佛所讚故  
往昔有佛名爲蓮華有聲聞弟子名須闍多  
作迦絺那衣未成蓮華如來與一萬六千比  
丘圍繞共作迦絺那衣成已持衣比丘者捨  
已所受持僧伽梨迦絺那我今持如是三說  
三說已即持置體上偏袒右肩往至上座前

合掌向僧而說大德我以法持僧迦絺那衣  
願僧隨喜上座從座起偏袒右肩合掌向僧  
作如是說長老以法持僧迦絺那衣我隨喜  
乃至下座亦如是說非僧受持迦絺那衣非  
衆受持迦絺那衣一人持迦絺那衣僧隨喜  
衆隨喜然後成持迦絺那衣若人持三衣與  
衆僧持作叔十六卷二迦絺那衣作是言若持迦絺那衣  
者三衣悉屬隨施主語悉與受衣人餘衆僧  
不得受迦絺那衣已攝僧得施受迦絺那衣  
者輕物得分重物屬四方僧若同布薩界有  
多住處不得別受迦絺那衣應和合一處受  
一迦絺那衣法不得縫作應却刺作持所有

衣者未作持出界外界外者是餘寺也法師  
曰受迦絺那衣已付已出界外爲安樂住故  
作不還意者比丘出界外已見此住處有好  
房舍或有知識作不還意先失住處後失功  
德衣餘文句於律中已說我亦不作衣亦不  
還者作念已住處及功德衣俱失作衣時失  
所作衣者住處先失後失功德衣聞失者先  
失功德衣後失住處斷望者先失住處後望  
斷得所望非望而得者此文句前後轉易現  
多文句無有深義於律廣說迦絺那衣捷度  
竟若行別住人若有人請或與人受戒得停  
行法事罷還續行捨行法時當如是言我今

捨波利婆沙如是三說若別住摩那埵當行  
法時比丘去都無人但作意言若比丘來我  
當白六日中都無比丘可白亦得出罪若寺  
中多有比丘來去難白晝日得捨行法明相  
未出應將四五比丘出界至擲石外還受行  
法白僧我行摩那埵若干日以過餘若干日  
在若界內有比丘出至其處應白若不白失  
夜若比丘送受行法竟若還者應留一人待  
明相出爲捨行法共還入寺如前法滿六夜  
已得出罪出罪法於律本以說故不出余時  
拘睒弥有一住處有二比丘一是律師一修  
多羅師時修多羅師入廁用洒瓮竟不去水



覆瓮律師入廁見洒瓮不去水問修多羅師  
言誰入廁不去水覆瓮修多羅師答言是我  
律師言汝知罪相不修多羅師言我實不知  
罪相律師言汝得突吉羅罪修多羅師言若  
犯突吉羅罪我應懺悔律師言汝故作與不  
修多羅師言不故作律師言若不故作者無  
罪修多羅師聞律師言無罪律師還房語弟  
子言修多羅師不知犯不知不犯弟子聞師  
語已語修多羅師弟子言汝師不知犯不犯  
弟子聞語已向師說如是事修多羅師聞弟  
子語語弟子言此律師先言我無罪今言我  
有罪律師妄語修多羅師弟子聞師語已語

律師弟子言汝師犯妄語罪律師弟子聞語  
已向師說如是展轉成大闢諍律師後得修  
多羅師便集衆舉修多羅師罪爲作舉罪羯  
磨是故律本中說和合舉罪問曰世尊何以  
從座起以神通力不語諸比丘往舍衛國答  
言世尊在衆中若爲判者得理者歡喜不得

理者便言世尊朋黨彼部誹謗如來言隨愛  
瞋因謗佛故死入地獄是故如來從座起去  
不爲其判拘睽弥捷度竟瞻婆捷度無解相  
言諍用六毗尼滅現前毗尼多覓毗尼憶念  
毗尼者爲愛盡比丘下至阿那含人不爲凡  
夫多覓毗尼者處處多覓知法比丘判故名

多覓毗尼摩夷者是二部波羅提木叉若行  
舍羅非法舍羅多者收取唱言明日更行舍  
羅於其中間更覓如法伴黨若上座捉非舍  
羅者行籌者耳語語言上座年老何以捉非  
法籌當捉如法籌七滅諍法竟

比丘尼捷度

何以如來不聽女人出家爲敬法故若度女  
人出家正法得五百歲住猶世尊制比丘尼  
八敬正法還得千年法師曰千年已佛法爲  
都滅也答曰不都滅盡於千年中得三達智  
復千年中得愛盡羅漢無三達智復千年中  
得阿那含復千年中得斯陀含復千年中得

須陀洹學法復得五千歲於五千歲得道後  
五千年學而不得道萬歲後經書文字滅盡  
但現剃頭有袈裟法服而已比丘尼捷度竟  
重物不得分衆僧田園池井不得賣取餘物  
惟除換易衆僧牀席器物不得分不得賣惟  
除換易眼藥筭杵耳篋針線小刀子戶鈎鑰  
錫杖小櫃鐵器仗叔得六卷分餘作器不得分惟除  
斫揚枝斧除刀子革屣傘具得分若人布施  
竹草及土不得分若人布施藥得分箱篋不  
得分若人布施僧房中所用器物一切不得  
分惟除盛油筭法捷度竟

大德舍利弗問優波離律行出品

舍利弗問優波離

幾罪以身得 幾罪以口得 覆藏得幾罪

相觸復有幾

優波離以偈答舍利弗

以身得六罪 口業復有六 覆藏得三罪

相觸得五罪

第二問

叔

大卷

五

明相出幾罪 三唱復有幾 於此幾八事

一切聚有幾

答曰

明相出三罪 三唱有二種 於此一八事

一切聚有一

第三問

如來分別結

毗尼有幾相

毗尼重有幾

復有幾麤覆

荅曰

如來分別說

毗尼有二相

毗尼重有二

覆麤亦有二

第四問

聚落間幾罪

度江復有幾

噉肉幾偷蘭

噉肉幾突吉

荅曰

聚落間有四

度江亦有四

一肉偷蘭遮

九肉突吉羅

第五問

夜語幾得罪

晝日復有幾

布施得幾罪

受施復幾罪

答曰

夜語有二罪

晝日亦有二

布施得三罪

受施得四罪

第六問

幾罪對首悔

幾罪須羯磨

作已不可悔

如來分別結

答曰

五罪可懺悔

第六須羯磨

一罪不可懺

如來分別結

第七問

毗尼重有幾

佛說身口業

非時幾穀味

幾白四羯磨

答曰

毗尼有二重

身口亦如是

非時穀一味

一白四羯磨

十卷

六

第八問

波羅夷有幾

幾同和合地

復有幾失夜

結二指有幾

答曰

波羅夷有二

和合地有二

失夜亦有二

結二指有二



第九問

打身有幾種

幾種衆僧破

作初罪有幾

作白復有幾

答曰

打身有二種

因二破衆僧

作初有二罪

作白亦有二

第十問

殺生有幾罪

重語有幾種

罵詈有幾種

行姦有幾種

答曰

殺生有三罪

語重有三罪

罵詈亦有三

行姦事三罪

十一問

幾人受具戒

聚作有幾罪

滅擯復有幾

一語復有幾

答曰

三人不得受

聚作復有三

滅擯亦有三

一語亦有三

叔十八卷

十二問

七

盧

盜戒有幾罪

姪戒復有幾

正斷復有幾

因棄擲有幾

答曰

盜戒有三罪

姪戒有四罪

正斷亦有三

因棄擲有三

十三問

教比丘尼戒

幾波夜突吉

於中幾有新

衣有幾種衣

答曰

教尼戒品中

波夜突吉羅

有四信佛說

與衣二種罪

十四問

佛說尼有幾

波羅提有幾

食生穀有幾

波夜突吉羅

答曰

佛說比丘尼

波羅提有八

波夜得突吉

因乞生穀故

十五問

行時有幾罪

立時有幾罪

坐時有幾罪

眠時有幾罪

答曰

行時有四罪

立時有四罪

坐時有四罪

眠時有四罪

十六問

波夜提有幾

一切非一種

非前亦非後

同一時而得

答曰

波夜提有五

其類非一種

非前亦非後

一時俱得罪

十七問

有幾波夜提

一切非一種

非前亦非後

同一時而得

答曰

有九波夜提

其類非一種

非前亦非後

一時俱得罪

和十八卷

十八問

有幾波夜提

其類非一種

以身口懺悔

如來分別說

答曰

有五波夜提

其類非一種

以口業懺悔

如來分別說

十九問

有幾波夜提

其類非一種

幾以口業懺

如來分別說

答曰

有九波夜提

其類非一種

一以口業懺

如來分別說

二十問

有幾波夜提

其類非一種

口語成懺悔

如來分別說

答曰

有五波夜提

其類非一種

發語名字悔

如來分別說

二十一問

有幾波夜提

其類非一種

聚性成懺悔

如來分別說

荅曰

有九波夜提

其類非一種

聚性成懺悔

如來分別說

二十二問

叔

大卷

九

第三罪有幾

因食復有幾

食時得幾罪

因食得幾罪

荅曰

第三得三罪

因食有六罪

食時得三罪

因五食得罪

二十三問

一切第三過

至處復有幾

復問罪有幾

諍事復有幾

答曰

一切第三過

罪至有五處

善答罪有五

諍事亦有五

二十四問

論事復有幾

以幾法用滅

有幾不得罪

有幾處成善

答曰

論事復有五

以五法用滅

清淨有五種

三處中成善



二十五問

身業夜幾罪

身業晝幾罪

見時得幾罪

乞食得幾罪

答曰

身業夜二罪

身業晝二罪

見時得一罪

乞食得一罪

二十六問

見恩有幾種

依人成懺悔

驅出復有幾

善行復有幾

答曰

見恩有八種

依人成懺悔

驅出說有三

善行四十三

二十七問

妄語有幾種

七日復有幾

波羅提舍幾

發懺悔有幾

答曰

妄語有五處

七日法有二

十二提舍尼

懺悔復有四

十六卷

二十八問

妄語有幾觀

布薩有幾觀

使者有幾觀

外道有幾法

答曰

妄語有八觀

布薩復有八

使者亦有八

外道有八法

二十九問

受戒有幾語

復有幾起敬

幾人應預座

教誡尼有幾

答曰

八語受具戒

起敬亦有八

預座復有八

八法教誡尼

三十問

幾人不應禮

不為作叉手

有幾突吉羅

用衣復有幾

答曰

十人不應禮

不為作叉手

有十突吉羅

用衣復有十

三十一問

有幾作不善

如來分別說

於瞻婆律中

一切不善作

荅曰

十二作不善

如來分別說

於瞻婆律中

一切不善作

三十二問

隨大德所問

我亦隨意荅

問問中即荅

無有一狐疑

荅曰

一者身得二者口得三者身口得四者身心得五者心口得六者身口心得

身業得六罪者姪怒為初口業得六罪者虛  
誑妄語為初

覆藏得三罪者一者比丘尼覆藏重罪得波  
羅夷二者比丘覆藏他重罪得波夜提三者  
比丘自覆藏重罪得突吉羅是名覆藏得三罪  
相觸得五罪者一者比丘尼摩觸波羅夷二  
者比丘摩觸僧伽婆尸沙三者比丘以身觸  
女人衣得偷蘭遮四者比丘以衣觸女人衣  
得突吉羅五者比丘指捏他比丘波夜提是  
名五罪

明相出得三罪者一夜六夜七夜十夜過一  
月明相出尼薩耆波夜提比丘尼獨宿明相

出僧伽婆尸沙比丘自覆罪明相出突吉羅  
是名明相出得三罪

三唱二種一者比丘二者比丘尼當說戒時  
三唱有罪不發露得突吉羅是名三唱二罪  
於律中具八事成罪者比丘尼波羅夷是一  
一聚有一者戒序中說憶有罪應發露發露

以堅牢故頭圓

形油筒法者用角竹胡盧實

木不得作男女

形狀作狀憶囊覆地脚巾經

行机囊掃帚糞

箕染甌澆水器磨脚瓦石澡

洒板盃支三枝

盃支盃蓋多羅葉扇如是諸

物得作倒巨刻

鏤諸變房及戶戶扇牕牖得

用七寶作好精

亦得一切房中施宰無所禁

礙惟除難房間曰何謂為難房荅曰有勢力  
王於他戒場立作故名難房應向住者言莫  
於此作房若苟執不從重向言莫於此作我  
等作布薩自恣時即妨礙縱使堅者房亦不  
得安立如是故作不止語至三猶不應若眾  
多比丘有慙愧者別壞此房惟置佛殿及菩  
提樹壞已物用次第舉置遣送與住比丘餘  
草使取若取者善不取草爛壞或為惡人所  
燒壞者無罪住比丘不得責草直如是已破  
檀尼迦屋檀尼迦復念欲更作往至守材人  
者檀尼迦覓材周徧不得是故往到城守材  
人所主材者言此是王物修護國者城裏有

所壞敗急難防豫或爲火燒或敵國來攻伐  
應擬以作諸戰具種種資用修儲是故藏舉  
此材段段餘者檀尼迦自用便斫斷段段恣  
意用或頭或尾婆娑迦羅者是婆羅門名也  
摩竭國臣者於國統領國事財富無量經歷  
者此大臣從國出按行城中諸材木婆那者  
是大臣豪貴喚小者爲婆那令人縛者此婆  
羅門往白王審實有與檀尼迦材不將至王  
所王荅不與是故大臣而縛是時檀尼迦見  
守材人已被縛見已生狐疑心彼人當爲我  
取材故而被王縛我當自往救其令脫是以  
日夜參承何以故守材人遣信至檀尼迦所



味者蘇毗鹽以穀作得非時服是名穀一味  
一白四羯磨者差教誡比丘尼是波羅夷有  
二者一比丘二比丘尼是和合地有二者  
一身和合二法和合失夜亦有二者一行波  
梨婆沙二行摩那埵是也結二指有二者一  
比丘尼洒淨二頭髮長不得過二指打身得  
二罪者比丘尼打身得突吉羅啼得波夜提  
是因二破衆僧有一羯磨二捉舍羅是初作  
有二罪者一比丘九初罪二比丘尼九初罪  
是作白亦有二者一白羯磨二單白殺生有  
三罪者人得波羅夷非人偷蘭遮畜生波夜提  
語重有三罪者教偷教死向人說得聖利法

是名語有三重罵詈亦有三者若欲心罵女  
根穀道二僧伽婆尸沙罵餘身分得突吉羅  
是名三罪行媒有三罪者受語時得突吉羅  
往說偷蘭遮還報得僧伽婆尸沙是名三罪  
三人不得受者一遠不聞二身分不具足三  
根不具足衣鉢不具足身分所攝十三難人  
是根不具足所攝聚作復有三者一別衆二  
白不成就三羯磨不成就名三滅擯亦有  
三者一比丘尼以身謗人如慈地比丘尼二  
沙彌壞沙彌就他穀道行姪三者行姪欲法  
不障道者是名滅擯三罪一語亦有三者一  
羯磨三人一時得戒是名三盜戒有三罪者

五錢波羅夷四錢偷蘭遮三錢乃至一錢突  
吉羅是名盜三罪姪戒有四罪者一女根波  
羅夷死女半壞偷蘭遮不觸四邊突吉羅比  
丘尼以物作根自內根中得波夜提是名四  
罪正斷亦有三者一斷人命波羅夷二斷草  
木波夜提三自截男根偷蘭遮是名三因棄  
擲有三者有殺心棄擲毒藥若人得死波羅  
夷非人死偷蘭遮畜生死得波夜提是名三  
棄擲復有三比丘棄擲精僧伽婆尸沙棄擲  
大小便生草上得波夜提水中淨地得突吉  
羅洩唾亦如是是名棄擲三波夜提突吉羅  
者教誡比丘尼至日沒得波夜提先說法後

說八敬得突吉羅有四信佛說者一房舍二  
戒三如法作四不如法作是名四與衣二種  
罪者與非親里具足比丘尼衣得波夜提與  
不具足戒比丘尼衣得突吉羅不具足戒者  
從比丘尼白四羯磨未從大僧白四羯磨是  
名與衣二波羅提有八者比丘尼波羅提提  
舍尼是波夜提突吉羅者比丘尼乞生穀得  
波夜提食時突吉羅行時有四罪者比丘與  
女人共期初去時得突吉羅至村得波夜提  
比丘尼獨行去時得偷蘭遮至村得僧伽婆  
尸沙立時有四罪者比丘尼共男子立在屏  
處得波夜提伸手外得突吉羅若比丘尼明

相欲出不隨伴去住離申手內偷蘭遮申手  
外得僧伽婆尸沙坐眠亦如是波夜提有五  
者蘇油蜜石蜜脂五器各受過七日服得五  
波夜提罪其類非一種者蘇蜜等也非前亦  
非後者取聚<sub>三</sub>一處并服一時俱得罪有九  
波夜提者乞九種美食一乳二酪三蘇四熟  
蘇五油六蜜七石蜜八肉九魚是名九種其  
類非一種各異也非前亦非後者因食時俱  
得罪一時食也有五波夜提者其五波夜提  
其類非一種以口業懺悔一時懺悔得滅有  
九波夜提者乞九種美食得九波夜提罪其  
類非一種者蘇油魚肉相異以口業懺者九

波夜提罪一語懺便得滅也有一五波夜提  
者發語名字懺列罪名而懺悔有九波夜提  
者取姓成懺悔者列罪名而懺悔第三得三罪  
者隨舉比丘尼三諫不捨波羅夷比丘被僧  
三諫不捨僧伽婆尸沙比丘比丘尼惡見三  
諫不捨波夜提因食得六罪者云何得六罪  
一為飲食故叔自稱得過人法十五二為飲食故行  
媒三為飲食故言若人住此寺者得道果不  
自道名字故得偷蘭遮四為飲食故無病乞  
食五為飲食故比丘尼無病乞食犯波羅提  
提舍尼六為飲食故比丘無病乞飯得突吉  
羅罪是名因食得六罪食時得三罪者比丘

食人肉偷蘭遮象馬龍狗等肉突吉羅罪比  
丘尼食蒜得波夜提罪是名食時三罪因五  
食得罪者比丘尼知男子染污心從乞得人  
肉得蒜得美食象馬肉受染污心男子食僧  
伽婆尸沙噉人肉偷蘭遮噉蒜波夜提乞美  
食波羅提提舍尼象馬等肉突吉羅是名因  
五食得罪一切第三過者比丘尼隨舉初諫  
不捨突吉羅一羯磨不捨偷蘭遮二羯磨不  
捨波羅夷是名三諫三罪罪至有五處者比  
丘尼隨舉白不捨突吉羅一羯磨不捨偷蘭  
遮二羯磨不捨波羅夷若欲破僧三諫不捨  
僧伽婆尸沙惡見三諫不捨波夜提是名五

罪善答罪有五者比丘比丘尼式又摩尼沙  
弥沙弥尼五眾具有三諫不捨罪諍事亦有  
五者五眾俱有四諍論事復有五者論五眾  
諍事以五法用滅者五眾滅五眾諍事情淨  
有五種者五眾犯罪懺悔得清淨三處中成  
善者僧處眾處白衣三處無諍是名善也身  
業夜二罪者比丘尼與男子共夜入屋申手  
內波夜提申手外突吉羅身業晝二罪者比  
丘尼晝日與男子共屏處申手內波夜提申  
手外突吉羅見時得一罪者比丘故看女根  
得突吉羅罪乞食得一罪者比丘無病不得  
為身乞食得突吉羅罪見恩有八種者於拘



睽彌捷度已說依人成懺悔者五眾悔罪要  
因人得悔驅出說有三者一覆藏二未懺悔  
三惡見善行四十三者擯人行四十三法得  
入眾不行此法不得入眾妄語有五處者波  
羅夷僧伽婆尸沙偷蘭遮波夜提突吉羅七  
日法有二者七日藥受七日法出界外是名  
叔十八卷二十二提舍尼者比丘尼夫八波羅提提舍尼  
比丘四波羅提提舍尼合十二懺悔復有四  
者提婆達多遣人害佛供養阿菟留隨優婆  
夷離車子眾僧為作覆鉢羯磨娑婆伽比丘  
此四種人就佛懺悔妄語有八觀者發心欲  
妄發口成妄語妄語竟知是妄語隱藏所知

妄道餘事前人知解邪心是名觀也布薩復有八者八戒也使者亦有八者調達以非法欲破僧僧差具八德人往說調達所作非佛法僧是調達所作也外道有八法者外道欲出家行波利婆沙八法者不往五不應行處聞讚佛法僧歡喜八語受具戒者比丘尼白四羯磨比丘白四羯磨起敬亦有八者比丘尼八敬法也豫座復有八者大衆集時上座八人次第坐餘者隨坐八法教誡尼者比丘有八德堪教誡比丘尼十人不應禮比丘尼式叉摩那尼沙弥尼優婆塞優婆夷犯戒人眠人食人大小便嚼楊枝人十人不爲作者

如前十種人不得作叉手有十突吉羅者若  
為上十種人作禮及叉手得突吉羅罪用衣  
復十者十種衣聽者十二作不善者白不善  
非法別眾非法和合眾法別眾白羯磨中有  
四非法白二羯磨中有四非法白四羯磨中  
有四非法三四合十二非法

七

善見毗婆沙律卷第十八

叔

簪縫上子今反 睽弥上失友 簞音同 篋必反 迷箱篋

下苦指拵下中吉反

